


# HAFORSA SETÓR BEE, SANEAMENTU NO IJIENE (BESI), NOMÓS EKUIDADE NO INKLUZAUN IHA BESI



WaterAid/ Alibaba

Avaliasaun Haforsa Setór hanesan enkontru ida hodi halo diskusaun entre setór sira hotu ne'ebé servisu ba iha Bee, Saneamentu, Ijiene (BESI) no igualdade jéneru, defisiénsia, no inkluzsaun sosiál (IJDIS) iha BESI. Avaliasaun ida ne'e halo hodi haree fila fali servisu sira ne'ebé mak halo tiha ona, fahe esperiénsia hodi haree setór BESI nia progresu to'o ona iha ne'ebé no haree mós oinsá integrasaun jéneru, defisiénsia, no inkluzsaun sosiál iha setór BESI.



## Introdusaun



Tinan ida ne'e avaliaun setór ida ne'e hala'ó de'it iha nivel munisípiu, iha munisípiu Liquiçá no Manufahi hodi haree ba servisu BESI no integrasaun jéneru, defisiénsia, no inkluziun sosiál iha BESI iha munisípiu rua ne'e. Avaliaun ida ne'e halo ho workshop loraun ida ho balun hodi diskute ka haree fali situasaun setór BESI nian tuir bloku sira hanesan koordinasaun, planu estratéjiku, finansiametu, arranju institusionál, fornesimentu servisu, akuntabilidade, monitorizasaun no meu ambiente. Iha bloku ida-idak iha ninia komponente keta-ketak no husi komponente sira ne'e iha mós komponente ida ka rua kona-ba integrasaun jéneru, defisiénsia, no inkluziun sosiál iha BESI ba bloku haforsa setór ida-idak. Iha avaliaun ba bloku haforsa setór sira, participante sira fó valór ka indika

komponente iha bloku sira to'ó ona iha faze ida ne'ebé, no faze sira mak hanesan, fraku, tranzisaun, forte no ideal.

Rezultadu husi avaliaun bloku haforsa setór ne'e hatudu katak iha **Liquiçá bloku finansiametu mak presiza atensaun liu no iha Manufahi bloku planu estratéjiku mak sei fraku**. Iha avaliaun Liquiçá nian hatudu katak, bloku finansiametu iha hela faze tranzisaun. Maibé bainhira haree didi'ak ba komponente ida-idak iha bloku finansiametu nian, komponente sira hanesan investimentu setór aliña ho planu no finansas munisípiu nian (gastu tuir prioridade) mak sei iha hela faze fraku. Maske ita haree ba komponente seluk bloku finansiametu nian hanesan análize ba kustu siklu moris, alokasaun orsamentu munisípiu no finansiametu ba

asuntu igualdade jéneru, defisiénsia, no inkluziun sosiál nian iha BESI, iha ona faze tranzisaun. Komponente rua ne'e mak determina bloku finansiamentu sai atensaun munisípiu nian, tanba kuaze laiha komponente seluk husi bloku seluk ne'ebé mak iha hela faze fraku. Iha avaliasaun Manufahi nia kuaze komponente hotu iha bloku polítika no planu estratéjiku iha hela faze fraku. Iha de'it komponente ida, polítika BESI, mak iha ona faze ideal. Rezultadu ida ne'e mak halo bloku polítika no planu estratéjiku sai hanesan prioridade ida ba iha munisípiu Manufahi.

## Rekomendasaun

### Rekomendasaun husi munisípiu Liquiçá

- O&M tenke halo tuir mata dalan ne'ebé mak iha (ezemplu tenke halo kada fulan 6)
- Kompleta tan ekipa monitorizasaun konjunta hodi inklui entidade relevante hotu
- Kompleta no uniformiza formatu monitorizasaun
- Kria sekretariadu ba monitorizasaun nian
- Alokasaun ka transferénsia ba montante OJE ba ministériu ida-idak tenke halo ba tinan fiskál tomak hodi fasilita ezekusaun tuir tempu implementasaun
- Investimentu tenke tuir planu integradu BESI
- Halo revizaun ba polítika BESI hodi integra asuntu IJDIS
- Fó kapasitasaun hodi hasa'e koñesimentu GMF sira nian
- Fortifika liu tan liña koordinasaun entre setór liuhusi harii sekretariadu koordinasaun BESI
- Sosializa matadalan no polítika BESI ba setór relevante sira
- Dezenvolve planu BESI ba longu prazu (multi-tinan) no estratéjia finansiamentu ba munisípiu
- Hasa'e tan koñesimentu feto no EhD sira kona-ba IJDIS iha BESI no lideransa

### Rekomendasaun husi munisípiu Manufahi

- Kria matadalan ne'ebé uniforme ba monitorizasaun nian, ne'ebé bele inklui indikadór SDG/JMP no nesidade munisípiu nian
- Kompleta no uniformiza formatu monitorizasaun ho sistema informasaun munisípiu nian
- Investimentu tenke tuir planu integradu BESI iha munisípiu
- Reativa Sistema Informasaun iha Nasionál, liu-liu SIBS
- Kria ekipa integradu ba MEL
- Sensibiliza polítika ka lei BESI nian ba setór relevante sira
- Kria planu munisípiu ne'ebé integradu no integra dadus ne'ebé mak iha ba planu munisípiu, inklui planu ba BESI no planu anuál
- Aumenta rekursu umanu ka pesoál tékniku iha nivel postu
- Hasa'e tan koñesimentu feto no EhD sira kona-ba IJDIS iha BESI no lideransa
- Konsidera lei funsaun públika hodi fó formasaun no kapasitasaun ba funsionáriu sira





Tabela 4. Sumáriu rezultadu avaliасаun haforsa setór BESI iha munisípiu Liquiçá no Manufahi

Bloku Haforsa Setór	Komponente	Fraku	Tranzisaun	Forte	Ideál
Koordenasaun no integrasaun	Ezisténsia sekretariadu koordenasaun BESI		L	M	
	Koordenasaun			L M	
	Integrasaun ho setór seluk	L			M
	Koordenasaun ho autór IJDIS		L M		
	Integra IJDIS iha atividade koordenasaun		L M		
Política no planu estratéjiku	Política BESI		L		M
	Planu estratéjiku munisípiu nian	M	L		
	Planu annual BESI	M	L		
	IJDIS iha Política no planu estratéjiku BESI	M		L	
Finansiamentu	Kalkulasaun ka análize ba kustu siklu moris		L	M	
	Investimentu setór aliña ho planu	L		M	
	Alokasaun orsamentu		L M		
	Finansas munisípiu	L M			
	IJDIS iha finansiamentu BESI		L M		
Arranju Institusionál	Knaar no papél (BESI iha comunidade, eskola, no fasilidade saúde)		M	L	
	Dokumentasaun ba knaar no responsabilidade inklui planu dezvoltamentu kapasidade			L M	
	IJDIS iha arranju institusionál BESI		L	M	
Akuntabilidade	Mekanizmu fó feedback		M	L	
	Asesu ba informasaun kona-ba direitu ba BESI		M	L	
	IJDIS iha akuntabilidade BESI		M		L
Monitorizasaun	SIBS			L	
	Indikadór monitorizasaun			M	L
	IJDIS iha monitorizasaun BESI		L M		
Fornesimentu servisu no mudansa hahalok	Implementasaun servisu			M L	
	Apoiu depois de implementasaun		L	M	
	Implementasaun tuir standar nasional			M L	
	IJDIS iha forneseimentu servisu no mudansa hahalok			M L	
Meiu ambiente no rekursu bee	Identifikasaun risku no seguransa bee		M	L	
	Sistema monitorizasaun formal ba seguransa no qualidade bee		M	L	
	Jestaun rekursu bee		M	L	
	IJDIS iha meiu ambiente no rekursu bee		M	L	

Xave: **M** Manufahi **L** Liquiçá